

縣志以朝邑武功為稱首然王文簡之跋朝邑志已有毋乃太簡之歎至對山志人物首列后稷姜嫄說者譏之蓋述志若斯之難也予往者嘗輯昆明志一編亦取武功為法而諸所載加詳滇南僻遠之

鄉文獻久闕其義例不得不然耳咸豐壬子以病乞歸時督糧使者崔正甫同年觀察茲土公餘出尊甫念堂先生所輯慶雲縣志俾之勘校先生名德通儒著述滿家使今日者靈光猶存予且請業質疑

之不暇其能於春秋之旨贊一詞
乎然重以觀察君之屬又何敢不
昕夕從事也慶雲今隸天津府距
京師東南六百三十里於古為兗
州之域志始修於明萬曆五年洎
我朝康熙十二年十九年再加

二

編纂先生輯此志為嘉慶十四年
當是時主持有人先生殆有不得
已而為之者其後廿餘年中嘗手
自刪節晚歲遂以屬觀察君嗟乎
馬班二史古今稱善然自太史公
談以及遷班氏始彪訖固皆父子

繼世而乃成書今先生之於此志
可謂勤矣而觀察君克繼前業孜
孜靡倦非賢者而能若是乎予不
敏既九閱月編成凡三卷為篇十
子目三十有六其義例一準之武
功惟康氏於志官師加以論斷前

三

人贊其仿柳河東先友記論文之
道宜爾顧今者何必不異於古所
云邪若夫星野之說本屬傳會况
以分屬之一縣尤難徵信今遵
欽定熱河志例概從芟除至藝文
志之采撰述詩歌則又因時之變

通云爾時咸豐四年歲次甲寅孟夏月

賜同進士出身中憲大夫前掌貴州道監察御史昆明戴綱孫序



昔先大夫之修慶雲志也蒐羅博洽考訂詳賅顧以事權非盡由已其間棄取一切多未愜心暮年猶手自點定以付光笏而命之曰地志之作一以為鄉之人發微闡幽一以待官斯土者興利除弊所關

五

綦重是志規模雖具而義例未協異日者其善為我述之光笏聞命以來思有以上承先志然而簿書鞅掌忽忽者竟七八年於茲矣道光庚戌來宦滇南越二載同年戴子雲帆乞假歸里雲帆邃於古者

著作宏富乃出是編屬其釐正體裁一出已手人物志舊未立傳者補之文武科目職官題名均以次續入其節孝未及采訪者則仍循其舊光笏時備咨諏間有商訂九閱月而書成於是稱善志焉嗚呼

吾慶雲自有縣志以來迄今三百餘年幾經更易先五世祖介石公修之於前先大夫修之於後光笏紹承遺緒又假手於戴子以藏其事其體例完善去取謹嚴庶幾朝邑武功之流亞也詎不為厚幸歟

時

咸豐四年歲次甲寅夏六月望日
賜同進士出身

誥授通議大夫按察使銜雲南糧
儲道慶雲崔光笏謹識於滇南糧
署之兆禩堂



慶雲縣志目錄

昆明 戴綱孫 雲帆 編輯

邑人 崔光笏 慧田 參訂

卷之首

原序 姓氏 例言 圖說

卷之一

地理志第一

疆域 山川 里閭 古蹟

建置志第二

慶雲縣志

卷首 目錄

一

城池 學宮 官廨倉庾附 關梁 街市

賦役志第三

戶口 賦稅積儲附 解支

卷之二

祀典志第四

秩祀 羣祀 俗祀

職官志第五

文武題名 名宦

選舉志第六

進士 舉人 貢生 武科 例仕附 武仕附
人物志第七

宦績 忠節 孝友 義行 文學 武功
卷之三

列女志第八

賢淑 貞烈 節孝

風土志第九

民俗 歲時 物產 災異

藝文志第十

慶雲縣志

卷首

目錄

撰述 詩歌

卷之末

雜志

軼事 舊聞 冢墓漏澤園附

原序

知縣 柯一泉

邑之有志猶國之有史存往迹以彰訓者恒於斯也貽後來以樹軌者恒於斯也志之義也大矣方今海內凡郡若邑咸各有志視一統志尤加詳焉蓋一統者舉其要也郡邑者盡其詳也可以互相觀矣矧茲邑國初諱無棣縣爲慶雲分屬瀛州郡亦畿輔邑也被沐王化迄今歷二百餘載迺無志可稽是不爲闕典矣乎蓋亦司令者之責也余丙子歲來尹是邑越明年政務頗暇訪諸學宮得一抄本第其荒誕疎淺匪可示訓安在其能

慶雲縣志

卷首

原序

一

垂憲於後也既而詢諸士大夫聞羽墀楊君留心邑志今果得之語記載則悉語採擇則精其文直其事核余喟然嘆曰邑其幸哉是志也湮廢於歲久創修於一旦俾天下後世誦沿革志而見古今之變誦山川志而見形勢之勝誦方域志而見遠邇之迹誦星野志而見休咎之徵誦人物田賦志而見盛衰之實盈縮之故誦物產建置志而見土性之宜淫正之殊志爲信志矣何也蓋志之爲體事以實之貴乎不誤辭以華之貴乎不陋道以通之貴乎正當法以檢之貴乎謹嚴慶邑之志其

庶幾乎此志之所以爲可美也美則愛愛則傳由是而
參考由是而感發由是而鑒戒所謂彰訓而樹軌者胥
此焉在邑之永賴於斯志也豈曰小補乎哉余亟欲繕
刻奈邑無良匠時羽墀君方遊宦天長余乃捐俸致書
募工壽梓而僭爲弁其端云萬厯孟冬之吉

原序

知縣 李居一

壬子秋奉檄督修邑志刻期彙呈於以輯文獻而襄盛治事誠重也予不敏備員邑令仰體大府至意夙夜靡甯進邑紳士而增定之缺者補斷者續隨時興除與爲損益旣成例得序言以弁諸首竊以志係綦重而慶雲志之未敢以志自信焉何也慶之志志僅一邑事然邑合之郡郡進之直省直省上之閣部則事通天下矣慶爲瀛屬末邑僻處海濱一望平原斥鹵過半焉旣無山川形勝可以壯疆圉而光簡策且科第星疎人文韋

慶雲縣志

卷首

原序

三

弱兵燹之餘城郭荒涼村墟十九訂訛考謬嗟往跡之多湮援古證今苦遺書之莫購此慶邑志之未敢以志自信也余於己酉秋來宰是邑首徵邑志知邑舊無志志自明萬厯間邑紳楊君始則志之有也屬創作矣其間記載不無繁蕪編次容有冗雜豈採輯之失與抑亦創始者之難也邇來續修無人闕佚未補思欲刪繁從簡增舊益新彙爲一帙而簿書期會日無甯晷勸開墾則往年之荒蕪方熟幾於政拙催科查保甲則逃盜之督責方嚴從爾心勞撫字且也受事四載三值歲災履

原序

知縣 李興祖

一朝開創必有度越前代之規模彪炳史冊而政教號令之頒文物聲名之盛下逮薄海郡縣表章揚厲勒爲邑乘所以志一時之行實備後世之鑒觀甚鉅典也余於甲寅春仲始受

命爲慶雲令卽欲訪求縣志期悉古今沿革土俗民風前賢往跡利弊興除嗣胥人持一冊至披閱大概新經陞任元公李公重輯條分縷析犁然可考及孟夏抵任見一城如斗所在凋殘觀其境內疆域爲瀛滄末屬北

慶雲縣志

卷首

原序

五

連鹽山其三面俱與山左錯壤萑苻嘯聚出沒無常氓庶驚惶商旅裹足因憶慶邑屬滄州爲漢渤海地前賢龔遂作守曷以使民賣劍買牛賣刀買犢不特此也額定地畝載諸版籍兵燹後爲豪強侵隱缺額一百九十餘頃每歲賦稅攤賠闔邑飲害多年熒熒子遺所謂救死不贍奚暇治禮義哉蚤夜憂思亟圖安全之策嚴保甲責巡防勸長善懲匪類昔之驚惶者今獲安枕矣裹足者今履坦途矣歲丁巳奉有州縣官查地三百頃以上卽陞之例遂躬親丈勘誥戒多方清出地畝四百餘

頃余待罪民牧烏敢以功名自倖置民瘼於弗問哉卽
將查出地畝補足缺額外多一百一十六頃有奇冊報
徵租今則戶無包賠人安耕鑿矣於是捐俸鳩工建社
學於黌序左側延師設教伊唔之聲洋洋盈耳棧樸菁
莪之化庶幾拭目俟之焉統論慶邑風俗民悍而野士
樸而敦俗不修文而亦知好義人不畏法而僅自輸糧
且也城無磚甃屋無瓦蓋鄉無物產地無古跡無玉帛
之玩無聲色之娛無獄訟之繁無兵馬驛驛使客舟車
之擾如坡公所云大抵皆無耳採風者可以知其山窮
水盡地瘠民貧之至矣七載以來余固安其民俗之貧
而其士民亦竟忘余之拙也前有未備聊爲修舉今時
和年豐

皇上宏開史館纂輯明書徵催新舊邑志用敢忘其疎
漏補其闕畧訂其舛訛以附青史並垂不朽若夫因時
制宜隨俗起化以愛養斯民期不負厥職以不負
朝廷設官之意者不能無厚望於後之君子康熙十九
年歲在庚申秋八月撰

原後序

教諭 許康錫

慶邑之有志自萬曆四年涖茲土柯公始歷百餘年至我

皇上御極允輔臣請修天下通志元公李公得以重修而志始備閱八年復奉檄詳加纂輯自邑而郡自郡而省上之 史館以昭文獻既成康錫讀而作曰邑之乘國之史也豈可以淺視乎哉禮樂刑政之大身心性命之微兵農錢穀之數節義名教之重皆據事直書雖無黜陟之詞而風俗之淳漓時會之盛衰卽於是徵焉所

慶雲縣志

卷首

原序

七

以今昔盛王體國經野之餘必廣詢博訪下逮郡邑彙爲史冊正以宏式廓驗習俗一制度也其有關於民生治化不綦重哉慶邑界聯東省且濱於海蕞爾一隅稱述無多然人心物理政事紀綱則與都會之區無相懸也紀載而不得其要編訂而未盡其詳非特無以徵邑之事實而又何以昭國之章程哉廣甯李父母以博洽之才宏通之識爲政旣得其大體文章不落於小乘刪繁補漏續缺正訛其志分野疆域志河渠城邑則從舊志志丁徭志地畝志財賦出入則錄全書志循良以旌

官方志闡範以維風化祀典選舉之詳明因革裁復之
悉載蓋自附於古人獻俗陳風之義而必詳必慎以備
蘭臺之採擇豈僅爲刪定故事已耶康錫以員未序諸
簡後以見纂輯之苦心而不負太史徵求之意云爾康
熙十九年八月撰

原序

知縣 潘國詔

周禮小史掌邦國之志說者謂記其土風物產貢賦之書蓋亦以觀政治之得失矣慶雲縱橫數十里量於地域廣輪之數猶曩空之在大澤耳然而定社稷理人民田疇以養學校以教視通都大邑之治無以異也其所記載夫豈合十姓百名而以為風俗區區邱里之言哉土壤之肥磽戶口之登耗禮樂兵刑之制賦斂選舉之規憲章所繫著述之體具焉邑有志自明始我

朝康熙十二年前邑令岐山李君邑人崔介石續而修

慶雲縣志

卷首 原序

九

之其後三韓李君重加補葺至今百餘年矣詔懼抱殘守缺漸至散軼失墜無以屬來哲也乃進邑縉紳而謀之曰譌者正缺者補毋漏毋濫自念汲綆不修豈敢以斯文自詭既為邑長於斯則徵文徵獻非異人任也有崔孝廉旭者習典故能文章好古而不戾於俗屬之以副緝之事詔於簿書之暇加審定焉釐訂成帙觸胸瞭如未敢謂節目明備而去取之能精審也第使後之君子有所考鏡且將以備輶軒之采錄而崔氏之克傳其家學亦足以為嗜學者勸矣嘉慶十四年歲在己巳孟